

壽昌縣志

疆域志

沿革

四至

形勝

山川

橋渡

鎮市

古跡

水利

城池

禹貢九州以山川而辨別封域周禮形方氏掌邦國之地域以正其封疆自後州縣星羅碁布沿革可稽其與鄰封接壤之處則限以山川或成於形勝四至尚焉橋渡藉以通水陸鎮市賴以劑有無或為坊鄉或為村庄今昔分之也而使之聯絡者則為都圖至若經營占地勢而古跡以傳蓄洩有溝渠而水利斯溥凡此皆守土者所據以為保釐者也豈徒恃城池之鞏固哉

志疆域第二

沿革

附表

壽昌縣志

卷一

疆域志
沿革

一

金華大同印務局代印

壽昌禹貢揚州之域春秋時屬吳後屬越又屬楚秦屬會稽郡富春縣漢因之東漢屬吳郡三國吳黃武七年析置新昌縣晉太康元年改名壽昌縣壽昌之名自此始宋齊因之梁普通二年改屬新安郡陳因之隋平陳廢郡置睦州煬帝改睦州為遂安郡領縣三內有雉山壽昌併入焉唐復以郡為睦州或為新定郡神龍元年復置壽昌縣隸之屬江南道五代屬吳越國宋以郡為遂安軍節度宣和元年陞為建德軍三年改為嚴州咸淳十年又陞為建德府縣隸之屬浙西路元至元十四年以郡為建德路縣隸之屬江浙中書行省明初以郡為建安府尋為建德府又改

爲嚴州府縣隸之屬浙江等處承宣布政使司清因之民國紀元廢府制縣屬金華道十六年革命軍底定浙江改省長公署爲省政府實行委員制並裁道缺縣直隸省政府

右括文獻通考及明史並修訂浙江全省輿圖記

(按)漢書地理志會稽郡秦置漢時會稽郡領富春縣後漢書郡國志順帝分會稽置吳郡領富春縣壽昌故富春地也晉書地理志吳郡領十一縣內有壽昌則設縣實自此始隋以縣省入雉山壽昌又雉山地也自唐初復置縣迄今千有餘載山陬僻壤永著版圖於戲盛矣

壽昌縣志

卷一

疆域志
沿革

一一

金華大同印務局代印

(又按)舊志云漢志吳郡領富春縣丹陽郡領歙縣今嚴州六屬淳安遂安皆歙縣也建德壽昌桐廬分水皆富春地也

附表

時代	總部	郡	縣
虞夏商	揚州		
周	揚州	<small>吳楚 越</small>	
秦		會稽郡	富春縣
漢	揚州	會稽郡	富春縣
東漢	揚州	吳郡	富春縣

三國吳 揚州

吳郡 新昌縣

晉 揚州

吳郡 壽昌縣

宋齊 揚州

吳郡 壽昌縣

梁陳 揚州

新安郡 壽昌縣

隨 揚州總管府

遂安郡 縣併入雉山
雉山今淳安

唐 江南道

睦州 壽昌縣

五代 吳越國

睦州 壽昌縣

宋 浙西路

嚴州 壽昌縣

元 江浙中書行省

建德路 壽昌縣

明 浙江等處承宣布政使司

嚴州府 壽昌縣

壽昌縣志

卷一

疆域志
沿革

二

金華大同印務局代印

清 浙江等處承宣布政使司

嚴州府 壽昌縣

民國 浙江省政府

壽昌縣

(按)清設之浙江等處承宣布政使司民國光復時改訂官制為浙江都督嚴州設軍政分府民國元年十月廢三年

軍民分治特設巡按使掌理民政並設金華道尹駐節蘭

谿定縣為三等缺五年四月浙江因帝制袁世凱稱帝凡八
十三日改國號為

洪憲(獨立廢原有巡按使仍稱都督並裁道尹是年八月國

政統一復設軍政兩署改巡按使為省長六年道復移駐

衢縣十六年革命軍底定浙江改省長公署為省政府實

行委員會制並裁道缺嚴州府缺清宣統三年廢

廣輪

廣八十五里輪五十五里

四至 四正四隅

東至建德縣界二十五里以菱塘爲界距建德治八十里
南至蘭谿縣界三十里以硯山爲界距蘭谿治八十里

西至衢縣界六十里以鵝籠山爲界距衢縣治一百四十
里

北至建德縣界二十五里以上過浴山爲界

東南至蘭谿縣界二十五里以巖峒山爲界

東北至建德縣界三十里以新安江爲界

壽昌縣志

卷一

疆域志

四

金華大同印務局代印

西南至龍游縣界四十里以梅嶺爲界距龍游治八十里
西北至淳安縣界五十里以玳瑁嶺爲界距淳安治一百
五十里

陸路八十里水路九十里至舊本府陸路三百里水路三
百七十里至浙江省政府陸路 里水路 里
至南京中央政府

按圖經水路不通大舟僅有艾溪自縣西來東流至菱塘
入建德縣界新安江

附錄縣政府民國九年內務統計表

界至

東至建德縣白沙埠地方爲界

南至龍游蘭谿縣之誌棠唐村地方爲界

西至衢縣上方界首地方爲界

北至淳安縣之邵嶺地方爲界

面積

二千六百二十五方里

形勝 附水陸道里

(府志)巖岡後鎮艾水前臨湖光上徹城頭松翠近連屋角
羣峯迴合永奠花封

(元妙觀記)水光山色映帶縈繞嵐影參差如幡幢葆蓋

壽昌縣志

卷一

疆域志形勝

五

金華大同印務局代印

(舊志)據嚴陵之上游扼甌歙之險要

(方寬嚴陵賦)壽昌則萬松抱治青龍遶城

水陸道里附

水路

壽昌溪

經流

百籬坪 壽昌溪自此發源東流至程村四里五分

三足橋 自程村東南曲曲流至此十二里七分

管村 自三足橋東北流折而東南至此六里

下馬橋 自管村西南流折而東南至此八里五分

有大源溪自南來注

之

松坑橋

自下馬橋東少北流至此七里五分水深四尺而闊十二丈有松坑

溪自東南來注之

小溪橋

自松坑橋東北流至此三里五分

下湖橋

自小溪橋東北流至此六里五分水深四尺面濶十二丈

大同鎮

自下湖橋東北流至此一里以下一名大同溪有交溪自西北來會之見後

葉婆坑渡

自大同鎮東南流折而東北復折而東南至此
七里五分

瓶窰裏

自葉婆坑渡東北曲曲流至此九里五分有西溪自南來會之

後見

壽昌縣志

卷一

疆域志形勝

六

金華大同印務局代印

顏公橋

自瓶窰裏東流至此一里五分水深四尺面濶九丈有曹溪自西北來會之見後

宋公橋

自顏公橋東北流至此七里以下一名艾溪有周溪自西北來會之見後

南塌渡

自宋公橋東流至此一里有爽溪自東南來會之見後

水口村

自南塌渡過縣治前東北曲曲流折而東至此十
三里有翠溪自東南來注之

淤塌橋

自水口村北少西流至此四里二分水深五尺面濶十八丈

新市橋

自淤塌橋東北流至此六里水深六尺面濶十六丈有竹溪自南來注之有協儒

溪自北來注之

陸家橋

自新市橋東北流至此三里七分

羅桐埠 自陸家橋北少東流至此十一里一分水深七尺面濶三十丈

與建德縣分界入建德縣為新安江

支流 交溪

魏馱山 交溪自此發源東南流過石門莊至上桐橋五里

五分

交溪橋 自上桐橋東北流至此三里二分

李家橋 自交溪橋東北流折而東至此三里三分

高橋 自李家橋東流折而東南至此七里

黃家木橋 自高橋東流至此三里九分又東流三里三分

至大同鎮入壽昌溪

壽昌縣志

卷一

疆域志 形勝

七

金華大同印務局代印

支流 西溪

梅嶺 西溪自此發源西北曲曲流至曲斗橋六里五分

八鼓橋 自曲斗橋東北流折而北至此三里

小關嶺村 自八鼓橋東北流至此六里五分

姜塢村 自小關嶺村北流折而東北至此四里又北流折

而西北四里至瓶窰裏入壽昌溪

支流 曹溪

玳瑁嶺 曹溪自此發源東少南流至曹公橋五里五分

寺礪橋 自曹公橋東少北流至此八里

蔣公橋 自寺礪橋東南曲曲流至此五里五分

方家橋 自蔣公橋東南流至此七里 水深三尺
面闊九丈

獅子山東 自方家橋東流折而東南至此五里又東南流
二里六分至顏公橋入壽昌溪

支流 周溪

旗形山東北麓 周溪自此發源東少南流至嶺脚橋三里

七分

童家橋 自嶺脚橋東少北曲曲流至此七里

夏郎壩 自童家橋東流折而南少東至此四里五分

周溪橋 自夏郎壩東南曲曲流至此四里

密山橋 自周溪橋東流折而西南至此四里又南流折而

壽昌縣志

卷一 疆域志
形勝

八

金華大同印務局代印

東南七里三分至宋公橋入壽昌溪

支流 爽溪

大慈巖 爽溪自此發源西少北流至爽溪橋五里二分 水深

三尺面
闊九丈

霽月橋 自爽溪橋西流折而北至此四里五分

三里亭 自霽月橋北流至此七里又西北流三里五分至

南塌渡入壽昌溪

陸路

東鄉 縣無城從圈
門起餘做此

幹路

七里亭 自東圈門外東行折而北至此七里

烏龍廟 自七里亭北少東曲曲行至此四里二分

新市橋 自烏龍廟東北行至此六里五分

新市村 自新市橋東北行至此一里九分

撒網山麓 自新市村東北曲曲行至此六里

羅桐埠 自撒網山麓北少西行折而東北至此八里與建

德縣分界

枝路

更樓鎮 自新市村東少南行渡艾溪至此四里二分

過塘源村 自更樓鎮東少南行折而東北又折而東南至

壽昌縣志

卷一

疆域志
形勝

九

金華大同印務局代印

此十一里三分

上石嶺 自過塘源村東南曲曲行至此五里六分

鎮龍廟 自上石嶺東南行折而西南至此五里

泗洲廟 自鎮龍廟西南行至此二里三分

岳家村 自泗洲廟南行折而西曲曲至此七里

小嶺 自岳家村南行曲曲至此八里

麻車岡 自小嶺東南行至李村折而西南至此六里二分

湖塘村 自麻車岡西南行至此五里與蘭谿縣分界

枝路

五里源口 自新市村西北行至此一里八分

石馬頭 自五里源口西南曲曲行至此八里

大嶺尖北 自石馬頭西南曲曲行至此四里

後塘塢 自大嶺尖北首曲曲西行折而北至此七里三分

又南行折而西北四里二分至烏龍岡東入北鄉

幹路

南鄉

幹路

白艾橋 自南圈門外東行至此六分

南塌渡 自白艾橋西南行至此二里

三里亭 自南塌渡東少南行至此三里

壽昌縣志

卷一

疆域志
形勝

十

金華大同印務局代印

霽月橋 自三里亭曲曲南行至此六里五分

爽溪橋 自霽月橋南少西行折而東至此五里一分

大塘村 自爽溪橋東南曲曲行至此四里七分

大麥嶺 自大塘村西行折而南至此四里一分

石灰橋 自大麥嶺東行折而東南曲曲至此七里四分

陳店村 自石灰橋西行折而北又折而西南至此四里六

分

志唐村 自陳店村西南行折而西北又折而南至此六里

七分與龍游縣分界

枝路

三面嶺 自白艾橋東北行至此三里四分西南通幹路之三里亭

翠坑橋 自三面嶺東北行至此二里二分

樂村 自翠坑橋東北曲曲行至此五里九分東南通東門外枝路之過

塘源村 又曲曲北行四里七分至更樓鎮與東鄉幹

路內自新市村起之枝路合

枝路

大順嶺 自霽月橋南少東行至此三里

烏石橋 自大順嶺東南行折而東至此五里七分

排塘 自烏石橋東南行至此四里

烏龍廟 自排塘東南行至此三里

壽昌縣志

卷一 疆域志 形勝

十一

金華大同印務局代印

檀村 自烏龍廟西南曲折行至此二里與蘭谿縣分界

李村 自檀村東南行過麻車岡至此八里與蘭谿縣分

界

西鄉

幹路路向西南

宋公橋 自西圈門外西行至此五分

十八橋 自宋公橋西南行至此三里六分

杭頭市 自十八橋西行至此六里六分

峴嶺 自杭頭市西北行折而西南至此八里

久山橋 自峴嶺西北行折而西少南至此五里五分

大同鎮 自久山橋西行至此一里二分

老虎潭 自大同鎮西南行折而西北至此一里五分

勞村 自老虎潭曲曲西行至此四里三分

同心亭 自勞村西行至此三里五分強

葛嶺村 自同心亭西南行至此四里七分強

水口橋 自葛嶺村西南行至此五里一分

護衛橋 自水口橋西北行至此一里七分

三足橋 自護衛橋西南行至此一里三分

程村 自三足橋西北曲曲行至此十里強

百籬坪 亭路

自程村西北曲曲行至此九里七分與淳安縣

壽昌縣志

卷一

疆域志
形勝

十二

金華大同印務局代印

分界

枝路

小關嶺村 自航川橋西南曲曲行至此七里

八鼓橋 自小關嶺村西南行至此五里八分

曲斗橋 自八鼓橋南行至此二里七分

好看溪橋 自曲斗橋東南行至此二里

上梅峯村 自好看溪橋南行折而西南至此五里

紗帽坵 自上梅峯村東南行至此三里與龍游縣分界

石門嶺西麓 自好看溪橋東南曲曲行至此六里九分

吳壩頭村 自石門嶺西麓西南行折而東南至此四里四

分強與龍游縣分界

枝路

上湖村 自大同鎮南行至此一里

情義亭 自上湖村西南行至此三里一分

松坑橋 自情義亭西南行至此六里三分

下馬橋 自松坑橋西少南行至此七里三分

障東橋 自下馬橋西少北行至此五里五分又東北行折而西北四里八分至水口橋入幹路

蔣村 自松坑橋東南曲曲行至此八里四分東通枝路之曲斗橋

石門莊 自蔣村南少西行至此四里一分

壽昌縣志

卷一 疆域志

十二

金華大同印務局代印

青潭嶺 自石門莊東南行至此三里四分與龍游縣分界

半源橋 自下馬橋南少東行至此五里

茶坪山東南 自半源橋曲曲南行至此七里八分與衢縣

分界

三坑村 自障東橋曲曲南行至此三里

牛頭塢牌界 自三元坑村曲曲南行至此四里與衢縣分界

幹路路向西北

水口亭 自西圈門外宋公橋西北行折而西南至此三里

八分

羅塢口 自水口亭西南曲曲行折而西少北至此八里五

分

方家橋 自羅塢口西南行至此一里二分

蔣公橋 自方家橋西北曲曲行至此七里七分

石坪莊 自蔣公橋北少西行至此三里五分

寺礮橋 自石坪莊西行至此二里三分

關帝廟 自寺礮橋西少南行至此七里

新橋 自關帝廟西南行至此六里
東南通西南幹路之勞村

交溪橋 自新橋西南行至此四里四分

石門橋 自交溪橋西南行折而西北至此五里

北坑源口 自石門橋西少北行至此二里七分

壽昌縣志

卷一

疆域志
形勝

十四

金華大同印務局代印

北坑嶺 自北坑源口西北曲曲行至此十二里二分

枝路

高橋坂 自方家橋西南行至此六里八分

永平橋 自高橋坂南少東行折而西至此三里五分又西

行一里五分至大同鎮入西南幹路

枝路

下祥莊 自蔣公橋南少西行至此五里五分

黃龍山 自下祥莊南行至此三里三分

黃家木橋 自黃龍山南少西行至此四里又南行三分至

老虎潭入西南幹路

枝路

曹公橋 自關帝廟西北行至此一里

盤塢 自曹公橋西北行至此三里七分

玳瑁嶺 自盤塢曲曲北行至此五里與淳安縣分界

枝路

小橋 自新橋西北行至此三里

遼嶺 自小橋西北曲曲行至此七里四分與淳安縣分

界

北鄉

幹路

壽昌縣志

卷一 疆域志
形勝

十五

金華大同印務局代印

密山橋 自北圈門外西北行至此六里五分

周溪橋 自密山橋北行折而西至此二里五分 西南通西鄉
西北幹路之

□ 羅塢

夏郎壩 自周溪橋北少西曲曲行至此三里五分

烏龍岡東 自夏郎壩西北行至此四里四分

澄源莊 自烏龍岡東首北行至此二里三分

淡竹嶺 自澄源莊東北行至此七里四分與建德縣分界

枝路

鎮龍橋 自烏龍岡東首西行折而北至此二里五分

裏洪村 自鎮龍橋西北行至此三里三分

哨嶺

自裏洪村北少西行至此六里八分與淳安縣分

界

山川

青龍山

在縣東一里由縣治後山蜿蜒而來突出高阜勢若龍之昂首下有潭曰青龍潭明嘉靖間縣尹陳元孫仲弼相繼建塔於其上清

康熙四十九年縣令陳學孔撤去乾隆九年

邑令王兆曾改建魁星閣以培文運今圯

西山

在縣東十五里山形奇秀右襟淤塌左帶芳溪

岑山

在縣東二十里孤峯峭立麓有石室可容數人宋國子監丞鄭彥構書院於此(徐誼詩)九曲岑山九曲奇萬年高樹萬年枝水盤幽澗

通池遠花碍深雲落地遲種竹生孫添舊譜喚茶留

客了殘棋監丞去後留遺跡依舊烟霞似昔時

金鵝山

在縣東十里高數百丈山麓有塘形如鵝故名天將雨有雲出于其巔廣不可測左右開張如屏其麓豁然開朗城內新街葉姓徙

居於此亦

名新街

壽昌縣志

卷一

疆域志
山川

十六

金華大同印務局代印

大山

在縣東南十五里該山長形蜿蜒約十餘里起脈在小坑與黃峒山相接巍巍高大為全區諸山冠現已大半開闢栽種雜糧及桐茶竹

木附近居民賴以

生活者不知凡幾

巖塘山

舊名仙池山在縣東南五里山巔有池卜真人景雲煉丹處山徑迴環有十八曲上有幅昌寺清光緒十六年僧顯參募捐重建樹

林蒼翠為邑名勝每屆重

九佳節士人多登高於此

天馬山

在縣東南三里兩峯突起中連平崗如馬鞍狀亦名馬鞍山(府志作馬鞍山)

彝山

在縣東南二十里層巒疊嶂宛若屏

賭婦山

在縣東南二十五里昔有女子居此人賭聘不得遂化為石

巖峒山

在縣東南三十里山有華蓋羅帽玉露慶雲景星五峯而華蓋最高山南屬蘭谿北屬壽昌為二邑之鎮山半積雪經春始化高與

金華山埒下有神祠水旱禱之輒應(明史

地理志)壽昌有巖峒山今俗稱黃峒山

玉華山

在縣東南三十里一名白山巖山前與蘭邑毗連懸崖峭壁高數百丈晶潤有光故謂玉華山半崖壁有華陽洞俗呼仙洞洞有風

聲如雷轟向上吹者主晴向下吹者主雨近地人以此候雨晴輒驗里人李學顏有玉華記見李氏譜

鄭山 在縣南五里禾疇麥隴高低映□松竹環列如畫胡楚材詩突兀雲霞外峻嶒艾水濱羣山四朝抱形勢似君臣

石鼓山 在縣南七里大石如鼓擊之有聲每歲穀日扣之鳴其年豐稔

天井山 在縣南七里水從山澗衝下注於石窟若天井天將雨輒有聲若鐘鼓焉

烏石山 在縣南十五里山石多黑其地有廟廟前塘內一石作菓盒形云是神迹

金臺山 在縣南十五里壽之最高山也層巒疊嶂日將落餘光迴照山頂徐中書有金臺捧日之味山之麓吳氏居然又名吳山

冠山 在金臺之南壁立萬仞登之可覽龍蘭諸邑上有洞府志洞有冠山洞主像洞中出雲則為雨候山之半有冠山書舍邑人吳御建

硯山 在縣南三十里屬南蘭谿北屬壽昌西屬龍游為三縣之界名勝志高數百丈山巔平直有池如硯明童品硯山詩斷崖千尺倚

晴空一望江山盡下風拍手危亭長短處恍疑身在碧雲中

泉山 在縣南二十五里有□分四道而下冬夏不竭

壽昌縣志

卷一 疆域志 山川

十七

金華大同印務局代印

天池山 在縣南十五里有石池旁有大士廟昔有航村吳姓至山取薪見池內有龍吳乘龍去不知所之既夢於村人曰如遇旱至池取

水呼我名當得雨果靈應村人為之立廟

大泉山 在縣南三十里三都二有徐偃王廟清光緒間大顯神靈常樂泉麓人捐貲重建

默山 在縣西南二里峯巒環拱宋胡楚材以剛直忤權貴歸築室於此曰默山書院故址今存洪廷機默山即景詩何處深雲覓舊齋空餘

亂石蹈芒屨溪流久寂琴樽賞山色猶侵竹樹佳脫手新詩吟謝眺拍肩遊蹟寄洪崖蕭條風物傷今昔醉把沉苔刻碣揩山下有宋元祐刻石

黃尖山 在縣西南十五里高出雲表秀拔異常山產名茶為全邑冠

錢師山 在縣西南二十五里

彭頭山 在縣治西西湖之側晴波倒影上下一色宋秘書郎胡楚材讀書於此

下馬山 在縣西五里峯巒綿互湧出平坂宋直龍圖閣葉三省歸鄉邑望此山下馬徒行鄉人稱其恭謹故名

青山 在縣西十里逶迤幽寂
唐聘君翁洮隱居之所

天湖山 在縣西二十里一名孟塘小徑屈曲而上
者三里有池可溉山麓田三百餘畝

蘗山 在縣西三十里山半有
泉清冷瑩澈名曰蘗泉

魏馱山 在縣西四十里李頻詩所
云魏馱山前一朵花也

四靈山 在縣西四十里九都李家村一曰龍二曰鳳三曰龜四曰麟四山
拱揖相向其形惟肖宋葉忠簡公義問居其下遺址猶存至今稱

曰相府
四靈山

塘山 在縣西五十里石徑屈曲上有
二池其水分流崖壁為瀑布

朱山 在縣西六十里昔朱道人嘗繫虎於此
有繫虎壇至今林木蒼翠野火不燒

太華山 在縣西六十里九都山勢峻險上矗雲霄山背為衢縣界上有嶺
即太華嶺也相傳新莽時有壯士數十輩倡義於此聞光武興燬

營歸漢至今巨石極多
是其壓寨之遺跡也

壽昌縣志

卷一 疆域志
山川

十八

金華大同印務局代印

鵝籠山 在縣西六十里壽昌溪之水由此發源東至崑嶺(蔣蛟培詩)鵝
籠脈發峴峯高石磴籐蟠猿嘯號莫謂山巔多寂寞原來入聽有

壽松

獅山 在縣西二十里六都形如獅子一名合山古語相傳與象山不
時相合故名獅口中有廟朱佛於此成神廟中奉朱佛神像

象山 在縣西二十里六都山形如象與獅山
對峙迴抱崑嶺為西鄉第一重水口

雁鵝山 在縣西二十五里一名銅鑼山高數
十丈上有仰天池為西鄉水口山

伏獅山 在縣西二十五里六都山
勢重凸形如伏地獅子

久山 一名象山在縣西二十五里六都其山由東北望之形如久字由西
南望之其形如象與伏獅山對峙宛如獅象蹲立為西鄉第二重水

口山下鄭
姓居焉

吳山 在縣西三十里六都二有寺極清雅山中鳥語石上泉聲四
時不絕寺之對山高阜處為清水塘塘水可溉山麓田千畝

麋山 在縣西二十五里六都
相傳此山多麋故名

雙獅靠背山 在縣西二十五里六都形如雙獅靠背一名河山

飛鳳山 在縣西二十五里六都形如飛鳳

錦屏山 在縣西二十五里六都高轟千仞形如錦屏古有寺觀今廢

樹籬尖山 在縣西二十五里六都尖峯突起高轟雲端登其背可望龍蘭二邑

海螺山 在縣西二十五里六都形如仰天海螺其下為長潭

虎形山 在縣西二十五里六都山不甚高形如伏虎登其背可望城東金姑峯前有廟匾曰廣施

古城山 在縣西二十八里六都三國時吳分富春立新昌縣治於此晉平吳改為壽昌唐神龍元年徙於郭邑里今其地猶號邑村坂坂心

有互古城隍廟是其遺跡也

城山 古名西竺山在縣西三十里六都其山高可百仞周圍數十里山頂有大坪廣約數百丈古有寺今存遺址山麓有石佛寺碑載唐時有

佛從地湧出甚屬靈驗即今所謂西竺山萬福寺也

壽昌縣志

卷一 疆域志 山川

十九

金華大同印務局代印

黃碧山 在縣西三十五里六都一高數百仞上有白石巖廟山下為童姓世居

馬鞍山 在縣西三十五里六都一兩峯突起形如馬鞍故名

五馬山 在縣西三十里六都一五峯並立狀如五馬俗號五馬同槽

動山 在縣西三十五里九都二高數百仞上有朱佛庵遇旱禱雨蟬應相傳地藏王曾顯靈於此

馬頭山 在縣西四十五里九都一麟山之背峭壁數仞中懸一石畢肖馬頭下有洞屈曲有門徑中高如樓旁有積水石形肖羅漢有石桌

者兩人對弈然深邃數里亦異境也

鳴鑼山 在縣西三十五里

武裏山 一名金交椅在縣西三十五里與五都接壤

龍門山 在縣西四十里峭壁十餘丈中有泉出雖旱不絕

紗帽山 在縣西四十里其形如紗帽故名與龍邑接界

盤山 在縣西三十里形如盤吳姓世居其地

石顧山 在縣西六十里巖石仰立如頭同顧故名俗作石鼓山非

石鍾山 在縣西六十里

袍山 在縣西五十里

天井山 在縣西六十里乃鵝籠山之發脈處也

瑤山 在縣西六十里

上東山 在縣西四十里百步街與龍門山對峙形極嵯峨

旂山 在縣西三十五里其形如旂故名

插崗山 在縣西二十五里六都一山旁有剎江廟中供關帝神像

黃山 在縣西二十五里山尖平坦上有華臧寺

壽昌縣志

卷一 疆域志 山川

羊山 在縣西二十五里六都其形如羊

東山 在縣西三十里六都二山不高特幽雅里人翁八景詩東山高臥即此也(詩見翁氏譜)

大坪山 在六都一山勢平廣可望四面要道清咸豐辛酉羅總兵曾紮營於此

馬面山 在縣西三十五里七都狀若馬面

後週山 在縣西三十五里七都崗剝如削高約十里許輿馬難行客民居此種作者頗多通龍游山門源

塘塢山 在縣西四十里七都樹木森森盛夏不暑與石谷嶺接壤

鳳山 一名鐵甲飛鳳在縣西三十五里里人徐失名詩云鐵甲形成飛鳳名莫居水口最鍾情扶搖萬里鵬搏後聲應金門紫鳳鳴

塘山 在縣西四十里九都二山高數百仞周圍數十里有塘山菴

石巖山 在縣西北三十五里十都壁立險峻中有石巖高四五仞深數丈傍巖築寺為聖巖寺寺旁有石筍自巖倒挂其狀如龍頭角俱備

口吐清泉如涎沫四時不竭足供寺飲又有石僧獨立其狀尤肖相傳昔有異人居此扶巨絙以上下一日牽犢入巖遂不見至今時聞音樂

云

上官山 在十都源口
下有黃巢洞

鐵帽山 在十都南屏莊後有高庵寺對
門有靈棲寺又有風洞泉水洞

東山 在十都山半有東山寺對門有洞曰脫
洞有亭曰皆喜亭山麓有石洞祖廟

筆架山 一名西山在縣北十二都內
圖三峯聳立形如筆架故名

天山尖 在縣北十二都外圖北
區諸山多發脈於此

法螺山 在縣北十二都
內圖形似法螺

萬松山 在縣治北半里(邵志云)山皆松木蒼翠掩映(前志)松楓蒼翠
近市而不囂明季松已無存惟留楓樹知縣陶謨作仰楓亭於其
上今圯楓樹僅存
而萬松之名如故

屏山 在萬松山下左右迴護如屏山麓楓樟二巨木如蓋有池泉水清冽
清道光二年建屏山書院於此咸豐辛酉被燬民國六年即其遺址

壽昌縣志

卷二

疆域志
山川

一 二 一 二

金華大同印務局代印

改建屏山初高
兩等小學校

巖山 在縣北六里 高數百丈山頂有石回抱
如負宸狀(郡志云)巖山鎮其背即此山也

密山 在縣北七里怪石嶙峋人
跡罕至中有石窟多蜜蜂

過浴山 在縣北二十里下有水洞昔有仙人過浴於此歲旱取其水以
禱輒應邑人方寬有泉通石窟蛟潛壑路入楓林虎踞臺之句

顧母山 在縣北二十里兀
立水濱頭回如顧

明山 在縣北五里為縣治來
崗巖壁聳秀時見火光

蓮谷山 在縣東北里許其形如蓮對山供之如葉明國
子監助教洪翥築室於此有蓮谷八詠見藝文

燕山 在縣東北一十里山巔平疇百畝清泉白石有居民
葉姓數十家每遇元暘有烟霧直上羣燕翔集即雨

屏風山 在茗塘
東北

高湖巖 在縣東二十五里巖石周匝一徑可通黃巢之亂土人避其上
作大草履擲於路賊至見一長人立於山巔怒目而視遂駭退

紫金巖

在縣南十里泉流
石窟名曰龍盤

大慈巖

在縣南二十里巖縫穹窿僧寮在焉又有石筍從地湧出元大德
間臨安人莫子淵棄家於此琢石筍為佛號曰大慈(鄭國寶宿
大慈巖詩)雞鳴半山曉樹沒前峯薄獨
坐佛禪床常聞松子落參看大慈巖寺條

獅子巖

在縣南三十里三都二高可數千仞有石在山頂狀如獅前對硯
山里人(陳運淇詩)硯屏潑碧澗獅石聳青雲(方暨謨詩)聲吼
響驚雷震候眸光焰吐日升時雄吞地脉居然壯高
據雲根孰敢騎民國十六年一月南北軍塵戰於此

紅裙巖

舊呼赤姑山在縣東南三十里仁都一巖色皆赤崖石摺疊其紋
如裙故名或云赤仙姑曬紅裙於此(鄭國寶赤姑巖詩)我上赤
姑嶺已覺雲蹤遠一睫天地開平曠溪源返裙曳
眞爛爛石剝常宛宛轉入山梁道忽度鐘聲晚

花巖

在縣南二十五里山高二十餘丈西與月嶺毗連巖有石形盡突兀
竅孔相穿玲瓏秀剔其狀如花故謂花巖昔蘭邑緒葛履法建花園
採此巖石架成小山名曰雪洞饒有幽趣(葉作舟詩)花巖突兀
透玲瓏禱雨迎龍卜歲豐人跡馬蹄都不到白雲千載護崆峒

聖巖

在縣西三十五里十都石
巖山畔府志誤作寶公巖

壽昌縣志

卷一

疆域志
山川

一二十三

金華大同印務局代印

金雞巖

在縣西六十里昔有異人過此聞石中
有雞聲剖之得一雞金色今其竅尚存

大清巖

一名大清山在紅裙巖西景尤秀麗里人李景顏建太
清堂於山坳讀書其中餘干甘復為之記記入藝文

斑鳩巖

在縣西二十五里六都山不高亦
不深相傳此巖多宿斑鳩故名

盤山巖

在縣西三十五里七都巖石聳立躋其巔西望衢縣南望龍蘭城
堞塔字俱隱約可數凡遇軍兵大操礮聲接耳可聽當春水發時
猶有瀑布
高懸之勝

猶有瀑布
高懸之勝

烏石巖

在縣西三十五里七都峭壁千仞嵬峨險峻僅有一小徑逶迤
可通巖頂有石室三間泉水澄清清咸豐間土人多避地於此

老鷹巖

在縣西北十都內圖其峯
最高處可覽淳壽之勝

鳳凰巖

在縣西北十都外圖山景幽雅
明時胡志和曾建白雲寺於此

壁峯巖

在縣北二十五里十二都(方纘基詩)迴環四山中一峯
起天際壁立千仞餘雲光靄螺髻其峯一名螺螭尖故云

金姑峯

在縣東三里峯尖卓立形若鳳翅橫截縣之水口形家謂為巽峯
宋榜眼傅崧之詩金姑山上野花紅住近城東第一峯溪藥香時

收白艾山車行處駕青龍明萬歷四十一年縣令張爵應建塔其上邑人諸葛昌襄力爲多清光緒二十七年被雷震壞今圯

峙峯 在縣東南十里其峯清秀勢若植圭

金紫峯 在縣西三十五里三峯突起宋崇甯中林木翳鬱異常占者云當有衣金紫者後里人胡彥嘉爲吏部侍郎詔贈其父金紫光祿大夫其言果

驗因名

青峯 在縣西三十五里七都尖峯矗立與盤山旗山並峙邑人方纘基青峯月詩皓月掛天庭清光遍野坳孤撐一峯秀高入九霄青巖腹明

如練雲頭翠作屏緜山風景似邈若駐仙靈

金巖峯 在縣西三十五里七都遠觀形如筆架近視勢若屏風其半坳中有一石穴儼如屋宇內有天然三石級可以坐臥後有廟名金巖

廟

金峯 在縣西三十五里九都二動山背勞村劉秉純八景詩金峯疊翠卽此峯也

屏峯 在縣西六十里石顧

壽昌縣志

卷一 疆域志 山川

二一四

金華大同印務局代印

三縣峯 在縣西六十里九都一山高萬仞上矗雲霄登其峯可望涓遂壽三邑故名

長嶺 在縣東南二十五里(洪鼎詩)長嶺頭倦行役鷓鴣啼秋煙濕斷碑無字生土花青松落蔭滿苔石節節級級如登梯凭高一覽青天低

笑隨猿鶴不知遠但見日落西山西

大順嶺 在縣南十二里宋進士吳椿年居其下經方臘之亂以小反名(金華于石詩)泉本至清誰曰盜溪雖可染却名愚一夫作難隨

傾覆千古青山獨受污按此嶺爲壽蘭出入孔道上有廟供奉關聖廟外有亭俾便行人憩息明崇禎間里人徐國光建

大月嶺 在縣南二十五里峯巒迴抱鳥道崎嶇嶺背有亭曰雨亭清嘉慶間邑令劉達爲之記見藝文

小月嶺 與大月嶺同一山崗不過有大小之分嶺畔有泉從路流出味甚甘其下卽月嶺塘

黃鼠嶺 在南鄉三都一嶺高里許長約二里上有小廟往來行人籍休息焉

石郭嶺 在縣西南五十里崖石嵯峨水泉滴瀝與衢縣接壤分脉而下爲錢師山

杭嶺 在縣南半里許爲壽赴蘭要道

梅嶺

在縣西南四十里平崗逶迤與龍游接壤登其峯望游蘭二邑境歷歷在目古有梅嶺舖(蔣岐培詩)雙峯聳翠峙南天中有梅花放獨

先未必此來無驛使只因高處可籌邊南宋都臨安時岳武穆曾駐兵於此明初有壘號西塢寨蓋通衢要道也

清潭嶺

在縣西南四十五里七都峻險偏窄馬不能行過此為龍游縣界

崑嶺

在縣西十八里(廣輿記)李頻及第挈妻歸過崑嶺妻見其險有倦容頻作詩以戲之云魏馱山前一朶花嶺西還有數千家石斑魚鮓

香衝鼻淺水沙田飯咬牙今嶺背有菴菴旁有石涼亭藉供行人憩息

石嶺

在縣西二十里嶺高不過百級下甚平坦為葉氏世居

太華嶺

在縣西六十里九都太華山嶺高而險上矗雲霄嶺旁多茶味最美相傳上有仙茶數株

梅花嶺

在縣西三十五里六都一嶺高十數丈風景可人劉秉純八景詩梅嶺樵歌即此也

梅樹嶺

在縣西四十五里七都嶺頗險峻有石級數十武逶迤而上約十里許嶺背樹木蒼翠即衢縣界

富豪嶺

在縣西四十五里九都一高里許通十都

壽昌縣志

卷一

疆域志
山川

二二五

金華大同印務局代印

石塘嶺

在縣西四十里九都二覺甯莊通八都

成功嶺

在縣西四十里九都二大塢莊高三里許

插嶺

在縣西四十里九都二動山脚高二里許

甘嶺

在縣西六十里九都一北坑源高十里許通淳邑

瑤嶺

在縣西北五十里極高峻北接淳安縣境為商文毅公故里府志作遼嶺與舊志同

玳瑁嶺

在縣西北四十里十都下有靈棲洞俗所謂仙姑洞也嶺北即淳安境

邵嶺

在縣北五十里羊腸鳥道上矗雲霄其北為淳安縣境

千里崗

在縣北十二都內圖為北區最高之山登巔遠眺目窮千里故名

五里塢

在縣南仁都一圖為本圖各莊發脈之山四面層峯峭壁羅列如城其中有塢計五里許故名塢內小塢甚夥惟逃難塢較大其東

由李村莊從紅裙巖而進南由蒜車崗從來龍崗而進西由排塘從大慈巖脚而進北由烏石源從竹大嶺後而進塢內平坦寬廠水土得宜

中有小澗一帶又有活泉數穴愈挹愈湧粵軍擾境時避難者約有數千土客俱有按東西南北可以進山者分爲四門派人堅守疊石爲城下扶以圓木號曰盛棚所以防禦也咸豐辛酉七月十一日天早有洪軍數萬由李村而上列陣紅巖坪戰鼓喧天旌旗蔽日聲稱大破五里塢延至未刻里人將盛棚一面放下石與石對飛射如礮活斃洪軍三四人餘衆遂退難民卒保無虞不可謂非此塢之功也然這番李村房屋大半被燬田禾大半糟蹋苦中益苦矣

翠岑 在縣西三十五里九都二潘村下有迴龍菴

龍山仙洞 在縣西四十里九都二龍華寺之後洞長穿二里許內有佳景炎夏熱洞水澄清常流不渴

華陽洞 在縣東南三十里玉華山石壁間險不可登洞口若出雲氣其日必兩相傳昔有樵者攀籐而上聞洞中有金石聲懼不敢入

白石洞 在縣南三十里(見府志)

黃巢洞 在縣西南二十五里五都口高闊可以直入內深不可測相傳唐末黃巢曾失佩劍於此今洞內有一巨石尙露劍柄於外堅不可拔

壽昌縣志

卷一 疆域志 山川

一二十六

金華大同印務局代印

白馬洞 在縣西四十里九都洞口有石門二扇一開一閉如斲成洞深不可測內有石馬其狀尤肖相傳明正德間出有白馬故名

三仙洞 在縣西三十五里白坑源極深邃旁有石室中有石筍三形如佛

蝦蟆洞 在縣西北十都內圖洞極高大有玉蟾菴嵌築其口清潔明爽盛夏時常有人借此避暑內有龍潭極幽邃秉燭可遊石泉滴瀝不竭洞門外有海棠數叢環繞花放之時光豔奪目遊人絡繹不絕稱美觀焉

南山洞 在縣西北三十里洞有三門屈曲旁通極爲幽邃

頤眞洞 在縣西北去南山洞半里許石洞三間清潔明爽俯身可入前有池滴瀝不竭

靈棲洞 在縣西北四十里極幽邃盛夏寒不可禦泉水澄清時見魚躍唐大中初縣令穆君遊此愛其幽勝微吟云一徑入雙崖初疑有幾家行窮人不見坐久日空斜得此一聯思頗遲澀時李頻從行即續云石上生靈筍泉中落異花終須結茅屋到此學餐霞穆深加嘆賞頻自名此知

倒洞 在縣西北三十五里十都動山上洞深七層層皆高闊可容數千人每層皆有門內數門皆須匍匐而入惟洞口高闊如門戶然有風自

內出吹人高寒四時不息中有小坑泉水清澈清咸豐間粵軍過境有數百人避地其中軍士薰以煙洞口反風不得入在洞者遂得無恙今更名爲羣生洞

神仙洞

一在縣西北十都南山後洞高四丈許深數十丈內又有小洞口甚狹不可入相傳昔有人曾逐一雞從洞入不復出遂以爲仙去一在縣西六十里石顧深澗數十丈內列石桌十八張相傳仙人借此以爲宴飲處

過浴洞

在縣北二十里洞口有龍神牌位洞內有三龍潭邑人遇旱到第取水禱之輒應(方纘基詩)洞口石林峭如削劍戟森羅出鋒鏑洞中黯黯寒襲人不知何來水噴薄

龍洞

在縣西三十五里九都形如龍脊極深邃不可揣測有泉自內出四時不竭洞口高大寒氣逼人雖盛夏如隆冬相傳洞中曾出孽龍被雷震死故名洞前有旺山殿

盤山洞

在縣西三十里七都盤山尖下洞口狹且險深十丈許可容數百人

綠荷塘

在縣北十二都內圖廣袤二十餘里古木陰濃遮蔽天日自清嘉道間奉令禁止砍伐以保田廬水旱迄今閱百餘年內有芭蕉蛇

壽昌縣志

卷一

疆域志
山川

一二十七

金華大同印務局代印

洲等別名

三源合水

在縣北十二都內圖係馱山源天井源澄源三源匯流至下邵合而爲一因名三源合水

壽昌溪

在縣西六十里發源鵝籠山東流經八都霞霧橋(卽下馬橋)至城山脚(卽西竺山)與松坑溪相合爲紫潭又東流繞雙溪口與小溪相合爲後潭灣逕馮家爲月溪至漳村(卽張村)爲月川繞村前(卽郎家)爲深潭經海螺山脚爲長潭至上湖邊爲新壩歷大同爲大同溪再流而與交溪合從下溪而東至富樓爲蘆山潭再流曰楓樹潭迤邐獅山頭爲石鍋潭再流而爲月婆坑又東流至吳潭航頭與曹溪西溪相合爲航川再流而至宋公橋與周溪相合至壽昌縣并入河南里清潭溪之流爲壽昌溪又名艾溪由壽昌縣而東與協儒溪翠溪竹溪五里溪等水相合遠七里廟至淤塌爲淤塌溪又東流至湖岑坂與龍溪相合爲湖岑溪其實一水也又東流至羅桐埠入江(明史)壽昌縣有壽昌溪東北流至建德縣入新安江

交溪

在縣西六十里發源魏馱山至富阜與長汀水合流過傅村至大同入壽昌溪其入口處有永平橋

松江溪

在縣西三十五里七都發源松源裏經富塘街與溪口紫潭相合其入口處爲松坑溪

小溪 在縣西三十里發源七都石門莊繞清潭至溪
口爲桐溪與後潭灣相合其入口處爲小溪

清潭溪 在縣西三十五里潭深莫測碧水潑洄有石級二十一其發源
計三處中流自後週山七里崗出石門莊繞莊口至蔣家目連橋
入清潭溪左自彭坑山荷塢莊自目連橋下匯入清潭溪右自盤山巖
下白坑源環繞清潭村經龍溪橋入清潭西經廣福廟前流入六都二
童溪再過小
溪入雙溪

大同溪 在縣西二十五里乃壽昌溪下流至盤山
與清潭松源水合流至塘下以達於艾溪

雙溪 在縣西六都二其水澄清四時一色來源分左右二溪左自永平區
至松坑入溪口溪右自七都石門莊盤山巖匯入清潭溪過盤山頭
入童溪至烏橋下流入溪口
溪故號雙溪實艾溪之正流

蛟溪 從魏馱山發源至九都一葫蘆墩再流而經上桐橋又東而舒家蛟
溪橋與合溪相合爲雙潭直流樂善橋繞靈祝廟前與新橋溪相合
爲龍潭再流至潘村爲潘村灣又流而至勞村爲碧潭經下壟口至金
龍殿爲剎江又流而至久山莊與永平橋下溪相合入壽昌溪此溪在
九都
二

壽昌縣志

卷一 疆域志
山川

二十八

金華大同印務局代印

合溪 從太華嶺三縣峯發源至合珠源爲合溪再流而至小源口與小源
水相合爲小源溪又流至舒家橋頭(卽蛟溪橋)併入蛟溪其入口
處爲雙溪此
溪在九都一

新橋溪 發源有二一從遼嶺坑一由富豪嶺脚二水合流至新橋爲新橋
溪再流而至錢庫廟前經石獅子口過傅村至靈貺廟前與蛟溪
相合其入口處爲龍
潭此溪在九都一

曹溪 在縣西北五十里發源玳瑁山與赤源胡村諸水合流
經下馬山之麓入壽昌溪今俗名入口處爲小江溪

周溪 在縣北十里源出過浴山
流經宋公橋入壽昌溪

西溪 在縣西南四十里源出梅
峯至顏公橋入壽昌溪

清潭溪 在縣南十里發源烏石山至石壁與爽溪合過
南浦與童源水合北流至縣城西南入壽昌溪

常樂溪 在縣南三十里(明史)壽昌有常
樂溪東南流至蘭溪縣入東陽江

爽溪 在縣南二十里發源於大慈巖經烏石石
壁與清潭溪合過南浦而入於壽昌溪

協儒溪

在縣東北十里發源過浴山經至仁橋入壽昌溪

翠溪

在縣東五里發源巖峒山與細坑朱村所塘諸水合流抵金姑峯下入河村潭匯壽昌溪

淤塌溪

在縣東五里(府志作七里)

湖岑溪

在縣東十五里自淤塌溪至山後與竹溪合流至新市復與五里溪合流至下坂而會於龍溪(府志岑作神)

龍溪

在縣東二十里發源黃峒山(舊志巖峒山)經干溪至湖岑坂繞富陽坂入壽昌溪(鄭以耕詩)溪流環抱碧縈紆好似盤龍護草廬石

嚼曉波寒骨露月
澄秋水夜光虛

竹溪

在縣東二都二源出大山一由長嶺經石嶺至許村一由石泉源至許村橋合流過駱村北流至山后村抵竹溪橋入壽昌溪

五里溪

在縣東一都二發源過浴洞經石馬頭繞新市上游入壽昌溪

崇志溪

在縣東二都二發源大竹山及黃青嶺出龍門至崇志源合道士壠經七里坑入壽昌溪

艾溪

直流至山峯以下曲折經河沿頭劉家村前轉過石嶺頭以達陳家此舊日水道也自清光緒二十七年河村堤防衝圯直流而下不經

壽昌縣志

卷一

疆域志山川
橋渡

二十九

金華大同印務局代印

河沿頭及劉家村石嶺頭矣至光緒三十年外河村一村十數家盡成澤國惟內河村傍近山麓地點較高至今尚存

(按)叙山以東南西北相次叙水必自西叙起者壽昌溪自西而東其人溪諸水亦當以自西而東為序使水道易尋也閱者諒之

合溪源

在縣西五十里九都一源深十里許兩山夾峙多竹木源表為太華嶺通淳邑

西坑源

在縣西六十里九都一源深十餘里多竹木源表為西平岡通淳遂二邑

北坑源

在縣西六十里九都一源深十里許兩山夾峙多竹木源表為甘嶺通淳邑

橋渡

會通橋

在縣西市中跨西湖唐令戴筠建宋時邑人劉登仕重建明洪武六年知縣彭子冲磊石醮水為二道建屋其上後屢圯景泰中邑

人翁志常嘉靖間翁德靜翁如皋先後修建並植石柱於水中架木為觀音閣有登覽之勝清乾隆元年閣壞於水十二年橋復漂沒知縣王

兆曾詳請帑
金重建石橋

至仁橋 在縣東五里以其居至孝仁豐二鄉界故名其水深碧又名碧坑橋

七里橋 在縣東七里上有廟

淤塌橋 在縣東十里累石為十二洪上置屋四十間元靜廬寺僧鎮建明景泰五年邑人翁志常重建後廢代以木橋(按)僧鎮當雙名舊

志單云鎮疑有脫文木橋今亦廢設渡船一以便往來

湧坑橋 在縣東十五里宋嘉定中邑人鄭執信建

山後橋 在縣東十五里明嘉靖間知縣陳元建

節義橋 在縣東距竹溪亭僅數武清乾隆丙辰姚村張獻文妻柳氏獨資勸建有碑誌其事

八姑橋 在縣東離汪家半里許清光緒二十八年山洪暴發橋被冲塌由該處謝新興方良發葉恒貴汪挹秀堂等合資修復

陳家橋 在縣東陳家民國十四年該村集貲改造以石代木計三洪

壽昌縣志

卷一 疆域志 橋渡

三十

金華大同印務局代印

會通橋 在縣東青嶺脚清光緒二十一年洪水冲圮由陳士建捐貲重建

新市橋 在縣東新市村清光緒間里人葉成憲獨資建造累石捲洪經費頗鉅

龍溪橋 在縣東累石七堆上舖石板清光緒二十九年洪水暴發橋被冲塌旋由里人集貲修復錢傳寶妻黃氏捐助尤多

湖岑新橋 在縣東湖岑莊

集賢橋 在縣東石口民國十一年改建石橋並立有碑誌

駱村橋 在縣東駱村

大孔橋 在縣東淤塌坂現祇存一水蕩上舖石板二條傳聞古時淤塌河流由此而出曾建有大橋但代遠年湮桑田滄海今僅存古蹟焉

許村石橋 在縣東許村水口外清嘉慶十年八樂人葉蔚然建

白艾橋舊名朝京橋 在縣東南一里跨白艾溪長五十四丈累石釺水為十二道宋景定辛酉知縣黎舉德率邑人

徐南一等建今為木橋洪楊軍後存有橋會大租十一畝零由城紳方永貞經理不敷向各店戶捐助方君去世何永慶接手亦由各戶捐助

洋元另置大租七畝零并何君自助出洋若
干自何君去世現交與方某等數人接理

翠溪橋

在縣東南五里宋瑞
平間里人葉常管建

南溪橋

在縣南半里爲南鄉通衢邑人翁明建翁穆重修後廢改爲木橋
貫以鐵練每逢水漲一次必重修一次耗費頗難預算清道光間

邑紳方岱基出資鋪建并助民田 畝藉租穀之收入充作修補之
需洪楊亂後鐵練無存民多病涉僅餘兩涯橋塚民田亦被佔失稽獨
助田碑記歸然尙存光緒二十一年汪成裕目擊心傷重購鐵練架造
木橋迄今三十餘年子孫繼續修理如故汪君徽州歙縣人遷居壽昌
門北

廣濟橋

在縣南十里計三道明景泰三年
邑人徐彥銘建後圯李親重修

玉虹橋

在縣東南二十五里宋
嘉定間邑人鄭執信建

霽月橋

在縣南十里今廢
(府志作玉虹橋)

爽溪橋

在縣南十五里明景泰
元年邑人吳叔文建

壽昌縣志

卷一

疆域志
橋渡

三十一

金華大同印務局代印

南浦橋

在縣南十五里明景泰
四年邑人徐永淳建

峽山橋

在縣南十五里明景泰間邑人吳叔文建嘉靖中圯
叔文孫御重建山溪幽邃有峽山廟(府志作破石)

葉墩橋

在縣南二十七里明嘉
靖中邑人陳奇吳御建

楓橋

在縣南童宅塢爲壽蘭
往來孔道清乾隆間建

轉洪橋

在縣南石橋頭清康
熙間里人捐貲建

石橋

在縣南石橋頭
清雍正間建

三澗橋

在縣南大塢莊清康熙間建
爲壽蘭孔道有碑記其事

檀林橋

在縣南左通壽昌右通
蘭谿清道光九年建

新建橋

在縣南大塢莊上通壽昌
下通蘭谿光緒四年建

紅橋

在縣南上通壽昌下通蘭江清
光緒二十七年里人集貲重建

銀林橋

在縣南道光七年里人集貲建

新橋

在縣南明萬歷三年吳山邊人捐建

成工橋

在縣南明崇禎元年建

石橋

在縣南清乾隆十八年建

新橋

在縣南清乾隆八年烏石人集貲建

恭橋

在縣南大塢莊清乾隆七年里人民集貲建

三角橋

在縣南清嘉慶三年大塢等人民捐建

梅川橋

在縣西南三十里計三塚四洞宋中興後建清乾隆四十一年洪水冲塌里人翁文堯翁正泰出貲修復

八鼓橋

在縣西南計二塚三洞橋上石鼓有八故名清嘉慶十七年被水轟塌旋修造該處上通衢蘭下達皖省為一邑孔道

排山橋

在縣西南曲斗莊計二塚三洞民國十四年春山洪暴發橋身半被傾圮其明年下塘底吳秀榮之妻吳李氏獨出鉅貲重新建造

壽昌縣志

卷一

疆域志
橋渡

三十二

金華大同印務局代印

年餘竣事工程較前堅固該處上通閩贛龍蘭下達徽杭亦一邑孔道也縣長浦江陳煥為之記記入藝文

曲斗橋

在縣西南二十五里累石為三道宋中興後建上有石欄為壽龍通衢

下津橋

在縣西南曲斗莊民國十六年里人吳秀榮之妻吳李氏獨資建造橋上兩旁砌有石欄

梅澗橋

在縣西南上梅嶺村清咸豐元年建計一洞兩旁有石欄杆為縣北之要道

下邵橋

在縣西南曲斗莊清光緒二十六年被水冲塌旋由吳村人吳世亮重修民國十三年又被水冲倒下塘底吳秀榮之妻吳李氏修

復

武口新橋

在縣西南武口莊計二塚三洞建於唐代清咸豐間略有損壞里人集資修築

龍嶧橋

一名壽春橋在縣西四十里

宋公橋

在縣西一里長十五丈宋郡守宋鈞倡建故名元靜盧寺僧鎮重建繪千佛於其上改名千佛橋明嘉靖中廣安寺僧大祥建石洪

十二清康熙九年署縣事遂安丞重修乾隆初宋公寺僧德高復修光緒十八年知縣湯佶昭千總徐守樟倡捐重修橋東有碑記其事三十

年北鄉蛟水陡發橋身冲塌民國十一年知事陳錫鈞提議勸募改建石洪九橋西豎立石坊額曰宋公橋並記其事實於坊陰以涉水民猶思惠政題橋我幸附同名一聯題其柱(碑記入藝文)按遂安丞舊志失名以張熙明倫堂記者之則石振玉也

顏公橋

在縣西十里初架木爲之俗名航頭橋宋郡宋顏公頤仲易以石長四十二丈尋廢光緒間里人程秉泮仍代石以木許新泰捐鐵

索一堂民國十二年秉泮復捐民山二十畝改名新立會顏公橋嗣後此橋歸會中經理又顏公戶所置民田尚有九畝八分

永平橋

在縣西二十五里爲西鄉通衢宋時里人鄭穎建(查本志鄉達門係鄭琚建)明嘉靖中勞村劉儼重修清乾隆十二年壞於水

知縣王兆曾詳請帑金整瓦焉

大同橋

在縣西二十里宋邑人葉三省建鄭穎重修後廢今爲木橋

珍石橋

在縣西六十五里石顧(珍一作鎮)

社屋橋

在縣西富塘街民國十六年重建易木以石現已竣工

松坑石橋

在縣西松坑溪

壽昌縣志

卷二

疆域志
橋渡

三十三

金華大同印務局代印

永濟橋

在縣西松坑溪今圯改爲木橋

龍溪橋

在縣西清潭里人徐(失名)詩山峽龍形又越溪砌礫當此接長隄後人若奮相如志駟馬高車染翰題(見徐氏譜)

日連橋

在縣西蔣家莊

上蔣橋

在縣西蔣家莊

鎮源橋

在縣西松溪莊

南塢橋

在縣西牙坑源

月江橋

在縣西王家莊

十八橋

在縣西梘頭村後因新造石橋數符十八故云十八橋而梘頭之稱知之者鮮矣

木坑橋

在縣西十八橋村前沿溪要道向有石砘民國十年舊址冲圯繞道而行十二年癸亥徽商程秉泮建造石橋

永嘉橋

在縣南清潭水口民國十三年被水冲倒同年十月村人李尙華翁炳煌等集貲修建

高橋 在縣西高橋莊莊以橋得名離十都胡村二里許爲壽西通衢
清嘉慶二十四年胡見心堂易木以石橋身益固碑記現存

翠坑橋 在縣西
久山下

紫金橋 在縣西
下湖莊

下湖橋 在縣西
下湖莊

姚家橋 在縣西
勞村後

單家橋 在縣西
單家山

星橋 在縣西
金廟前

上桐橋 在縣西
上桐莊

硤石橋 在縣西管村橋上首
原係石橋今代以木

金山橋 在縣西禹甸明時建洪楊後圯改爲木橋民
國十一年重建石橋十三年復冲塌今圯

壽昌縣志

卷一 疆域志
橋渡

三十四

金華大同印務局代印

下馬橋 原名霞霧橋在縣西橋之兩旁護以石欄
明時建清嘉慶間重修爲壽邑最鉅之橋

太原橋 在縣西下馬橋上首清道光
間建今僅存石墩改爲木橋

濟川橋 在縣西下馬橋下首清道光
間建今圯改爲木橋

永新橋 在縣西大源口清嘉慶間
建今僅存石墩改爲木橋

障東橋 在縣西
高崑

雙溪橋 在縣西下馬橋村前清道光間建後
改木橋本年三月重修仍復石橋

石郭橋 在縣西
石郭源

管村橋 在縣西村
以橋名

烏石橋 在縣西村
以橋名

小溪橋 在縣西禹甸清光
緒三十二年建

鳳山橋 在縣西
大源

三節橋 在縣西
長林口

水口橋 在縣西
長林口

護衛橋 在縣西長林口橋旁建
有護衛亭上置文昌閣

後童橋 在縣西
後童村

底旺橋 在縣西
長林口

高橋 在縣西勞村通
淳遂現為木橋

經堂橋 在縣西勞村南門外通龍蘭二
邑用石轉洪清乾隆十九年建

徐坂橋 在縣西
徐坂村

杜坑橋 在縣西
杜坑溪

壽昌縣志

卷一 疆域志
橋渡

三十五

金華大同印務局代印

小江溪石橋 在縣西南航川之上其水自北而南匯入大溪正當西達
衝衢一水橫截行人每病徒涉清嘉慶間城紳方岱基曾

造石橋往來頌德但每歲山洪驟發澎湃衝激日
漸圯成豐初僅留兩段現就近居民駕以木板

永濟橋 一在縣西三十五里潘村原名潘永橋清光緒間被洪水冲塌現
已修復一在勞村通十二都現為木橋一在縣北寺礪鎮為淳衢

之要
道

雙龍橋 在縣西四十里前山
排民國十二年建

新石橋 在縣西四十里
民國十三年建

龍門橋 在縣西四十里
旺山廟上首

雙龍橋 在縣西四十里前山
排民國十二年建

同心橋 在縣西三十五里後
塢莊橋頭有同心亭

周家橋 在縣西三
十里聶家

樂善橋

原名善慶橋在縣西四十里李家清光緒三年建

雙石橋

在縣西四十里李家

旺山橋

在縣西四十里旺山廟

雙溪橋

在縣西四十里民國五年建

傅村橋

在縣西四十里傅村

新橋

在縣西四十里新橋

蛟溪橋

在縣西四十里李家

龍巖橋

在縣西三十里洞塘莊

上桐橋

在縣西四十里

石門橋

在縣西五十里李都官祠前

壽昌縣志

卷一

疆域志
橋渡

三十一

金華大同印務局代印

仙洞橋

在縣西四十里大塢龍華寺之右

朱監橋

在縣西北三十里邑人洪景德建累石爲二道上建瓦屋十二間

頂村橋

在縣西北三十里明成化間邑人洪景德建

主簿橋

在縣西北三十五里主簿廟前清乾隆十二年洪水衝決知縣王兆曾詳請帑金修建并築砌岸旁石道

皆喜橋

在縣西北四十里明成化間僧淨元募建橋西有皆喜亭故名

蔡郎橋

在縣西北十五里爲胡村源赤源南山諸處總路

紫金橋

在縣北下吳清道光壬寅年重修

東溪橋

在縣北下牆圍民國十六年建

路沿橋

在縣北東村由地方集款建

蔣家橋

在縣北蔣家坂由地方集款建爲壽淳要道

乾溪橋

在縣北十八里

密山橋

在縣北密山廟前清道光間練德光建光緒四年洪水冲塌現易木橋

周溪橋

在縣北周村明嘉靖間知縣陳元建旋圯清咸豐元年練德光重建有碑記入藝文光緒四年水塌半截三十年山洪暴發全部冲

塌現易木橋

胡村橋

在縣北胡村坂清道光間練德光建光緒四年洪水冲塌現易木橋

童家橋

在縣北童家清道光間練德光建光緒三十年圯於洪濤現易木橋

鎮龍橋

一名永年橋在縣北上倉水口清道光十四年建光緒三十年被洪水冲塌現易木橋

楊春橋

在縣北坂

夏家橋

在縣北夏家

西溪橋

在縣北孟崗道光戊戌年八月建

壽昌縣志

卷一

疆域志
橋渡

三十七

金華大同印務局代印

淤塌渡

在縣東十里每歲官定渡夫一名由官酌給工食民國年間金任始停(徐誼淤塌渡詩)野水滔滔此會通往來行色具孤篷桃花

錦鯉千層浪柳絮黃鸝兩岸風明月滿船天上下青雲萬里客西東如今歲暮無人渡閒却溪頭簑笠翁

新市渡

在縣東十五里龍游蘭谿兩縣往徽郡者從白艾坂過翠溪橋出山後橋必經此渡至羅桐埠

姚湖渡

在縣東距下徐村數十武每屆修置由該村人經理

更樓渡

在縣東下更樓商民合辦渡夫兼向民間抖集穀米以作工食

上更樓新渡

在縣東上更樓民國二年創辦

羅桐埠桐江義渡

民國二年由該處紳商民衆募資勸辦

河村渡

在縣東四里許

朝京渡

在縣東南一里俗名白艾渡(胡楚材白艾渡詩)澎湃白艾溪源恐從天落灘石劍戟列噴怒波勢惡篙工手眼親飛舫過如籀達

阻有長橋輕虹逗寥廓參天樹列幢夾岸山如削中有釣魚郎扁舟甘寂寞幾多紅塵客問此何足樂不釣滄海鰲須膾潮州鱷胡爲持一竿

默默艾溪脚我且笑不答自歌還
自酌日暮鼓柁歸風埃滿城郭

南溪渡

在縣東南半里明嘉靖間邑人李仲繼捐貲造舟每歲官定渡夫一名現由溪南居民李以修王明善等捐貲購船渡夫工食兼向

城鄉
勸募

航頭渡

在縣西
十里

鎮市

區域坊鄉附

更樓鎮在縣東仁豐區一都一圖離縣治十五里傍溪而

市貿易頗旺有警察分駐所駐此以資鎮懾縣東之大

鎮也

大同鎮在縣西大同區六都二圖離城二十五里街市臨

溪生意繁盛有警察分駐所駐此以資鎮懾縣西之大

壽昌縣志

卷一

疆域志
鎮市

三十八

金華大同印務局代印

鎮也

淤塌市在縣東仁豐區二都二圖離城十里

大店口市在縣西南曲斗區五都一圖距城二十五里乃

閩贛溫處之通衢也行旅繁盛有商店十餘戶

航頭市在縣西航川區五都二圖距城十里

寺塢市在縣北石屏區十都內圖距城三十里區域

城區在縣城及附郭轄都四圖七城爲坊都一二三三圖

壽都一圖附郭爲三都一圖

大順嶺以北屬本
城以南屬常樂區

十三都一

二兩圖

仁豐區在縣東轄一都一二及二都一二共四圖

常樂區在縣南轄三都一圖（大順嶺以南屬本區以北屬城區）三都二圖仁

都一三兩圖

曲斗區在縣西南轄壽都二圖五都一圖仁都二圖

航川區在縣西轄五都二圖（前為曲斗區管轄）十一都一二兩圖

（前為城區管轄）

大同區在縣西轄六都一二兩圖及七都

永平區在縣西轄八都一二兩圖

四靈區在縣西轄九都一二兩圖

石屏區在縣西北轄十都內外兩圖

西華區在縣北轄十二都一二兩圖

壽昌縣志

卷一 疆域志 鎮市

三十九

金華大同印務局代印

附各區都圖村莊表

謹按清末籌辦城鎮鄉地方自治原分爲城及仁豐常樂曲斗大同永平四靈石屏西華等鄉民國元年改鄉爲區十六年十一月航川紳耆人等爲便利自治起見呈請劃城區所轄之十一都一二兩圖及曲斗區所轄之五都二圖併入航川成爲獨立區旋奉省令核准試辦在案現在自治區域共分十區其所轄都圖村莊名稱列表如次

城區

坊都一圖 城東隅 桑園

坊都二圖 城中隅 城南隅

坊都三圖 城西隅 小崗塢 月塘下 楊壠山 小塢口 劉家篷 卜家篷 宋公橋 分水涼亭 洪家塘

壽都一圖 城北隅 后大路 橫山廟 洪家碓 毛家 新樓下 前村坂 黎家篷

江家壩 密山廟 黃家篷 汪家

棗園 小山 小江塢 坦上

三都一圖

桐源口 上坑 桐源裏 茅篷

考嶺脚 荷塢底 南浦 楊塢

十三都一圖

石坑槽 大順嶺脚 泥潭底 東楂嶺

大坑底 曲塢 大塘邊 童嶺脚

十三都二圖

樟樹底 協屏風菴 灘下 河南李 清潭

嚴山下 富岑塘 上桂村 蓮塘村

七里坑 山峯 劉家村 河沿頭

仁豐區

祈雨塢頭 道士壩 八方源 新屋底

壽昌縣志

卷一

疆域志

四十

金華大同印務局代印

一都一圖

更樓鎮(古名高街又名竹園) 厚堂 湖岑坂

深塘塢 石口 八峯 白艾塢

裏外湖田 黃坭墩 楓塢塘 松樹底

一都二圖

曲斗 林村 赤塢底(古名大門莊) 馬家

嚴山下 小塘塢 水竹塢 裏山

干嶺 黃崗山 石灰嶺 橫山

二都一圖

五里源 周村源 石馬頭 楓樹坂

燕山頂 楊后山 通塘塢 楊樹坂

清塘源 瑤塢 姚湖 羅桐埠 廟嘴頭

二都二圖

駱嶺脚 許村 八樂塢 小塘源

石嶺脚 南山頂 清水塘 石泉源

平坦坂 下塢源 周塢源 黃碧塢

后栢樹 郭家塢 八畝坵 過塘源

二都二圖

商塢 吳潭嶺脚 下朱 何家

二都二圖

直塢 張家 下徐 小刺源

二都二圖

山後 西湖坂 下朱 何家

黃源邵家
陳家
小河村
鵝壩口
下吳橋底

海塘源
裏諸
小坑
譚坑
翠坑口
七里坑

橋亭源
薛家
崇志源
龍門裏
七里坑

常樂區

三都一圖

烏石源裏
吳山邊
下范
大塘裏
排塘

三都二圖

大慈巖脚
童宅塢
石橋頭
泉麓
（即前山脚）

仁都一圖

陳店
裏葉
牆垣裏
回同塘
李村
（原名白下）

壽昌縣志

卷一

疆域志
鎮市

四十一

金華大同印務局代印

五都一圖

曲斗橋
大店口
考坑溪
裏董源
彭家
吳村
山脚胡
大坪
周家篷
武峯
下塘底
八角橋
東塘壩
箕衣壩
秋衣壩
角源
小塘源
彩塢
武山下
蔭山
山後壩
大塢
石礮塢
孟塘

壽都二圖

上梅嶺
下梅嶺
朱塘坑
王村塢
珏堂
下葉
饅頭山脚
卜家
壺門邵
寨崗
舊塢源
米篩壩
水碓底
西湖橋

仁都二圖

明塘坂
破麓邵
（原名婆麓邵）
下坂
石門嶺
牛角壩
王塢底
吳礮頭
剎下橋
張家
金盤源

航川區

五都二圖

杭頭村
水碓塢
大塢
青塢口
張塢
鰲塢
嶺下坂
蒼塢口

張家灣	白嶺坑	楊梅塢	烏龍廟
千家村	樟樹坑	對面篷	焦樹塢
楊壩源	張家	外山坑	前村坂
茶坪坂			黃嶺

十一都一圖

航川	諸家	鶴山壩	東福壩
破壩頭		鄭山廟	下徐

洪村坂	小江溪	下頭村	前頭坂
接官亭	吳潭村	兩頭塢	李家

下塢壩	張家	黃家	柏塢
南塢壩	崑嶺亭	五界山	元山下

樟坂	淤沙坂	下池塘	坑口
葉婆坂	缸壩上	石井山	塘塢口

十一都二圖

前山塘	祖宅塢	金交椅	八畝坵
張壩	蘇平廟	石梘	黃木崗

後堆	盈川	黃家篷	傅家
蘆坦	廟口莊	羅塢坑	後崗山

壽昌縣志

卷一 疆域志 鎮市

四十二

金華大同印務局代印

石口源	傅燕坑	大林源	龍門嶺
石嶺脚	石塘	楊家	月塘下

蔡郎壩	蔡郎口	甘家	
甯家	大山坂	蘆裏	

大同區

六都一圖

萬家村	勞村	毛家村	上豐坂
童塢莊	碧山莊	大塢莊	青山壩

黃壩莊	坪山裏	烏金廟	東山陽
冷水坑	小水印	黃泥塢	后鄭莊

上黃莊	張家莊	黃山頭	唐家
大甯寺脚	杜坑溪	上洞村	李舖村

黃壩裏			
下湖莊			

六都二圖

溪口莊	樂家山	豐坂莊	韓家莊
徐家莊	大灶壩	古城山	大同莊

下宅莊	周家莊	高橋莊	久山莊
石嶺下	崑嶺脚	合山莊	黃泥坪

石橋頭	坂心莊	下溪邊	上下湖莊
鹿沙塘	郎家莊	山查塢	馮家莊

七都

盤山莊 蔣家莊 清潭莊 荷塢莊
彭家山 石門莊 後過山 師瓜塢
白坑源 張壠莊 爛泥塢 西壠莊
石牆崗 松源裏 烏龜塘 百步街

上東山 牙坑源今呼雅感園 松坑溪
富塘街 城山坂 何家村 祝家村
外溪灘今改王家莊

永平區

八都一圖

長林口 後童 張塢 夏家脚
桑洲 橋頭 鄭家 金鷄山脚

富脚 馬園 小源口 大坑源
炭嶺背 石顧 邵家 界頭

馬家 儒卜口一名上榮村 萬年村一名下榮村
長林源 鳥石橋 孤山脚 莫家

八都二圖

下馬橋 儒卜口一名上榮村 萬年村一名下榮村
石郭源 鳥石橋 孤山脚 莫家

平塘 翁家 禹甸 小溪源
高見 李家 管村橋 山坑

壽昌縣志

卷一

疆域志
鎮市

四十二

金華大同印務局代印

四靈區

九都一圖

西坑源 北坑源 合溪源 上桐橋
石明堂 沙墩頭 項山脚 西山下

舒家古稱富峯 上前方 大山莊
小源莊 方塘塢 白銀球 楊家莊

沈家 涂家 塘底 塘山脚
新橋莊 楓樹崗 項頭排 江家

九都二圖

李家古稱蛟溪 大塢莊 邵家 西塘麓
大塘莊 諸家 上前山 前山牌

傅村 潘村溪 州昏莊古稱油麻地 動山脚
洞塘莊 潘村溪 邵家 動山脚

尋芳 后塢 下童 覺甯
潘村灣 童村 楓樹崗 新塘邊

馬尾莊

石屏區

十都內圖

西山曹 江坑裏 源官口 赤塢裏

南山脚 毛家塢 寺勘塢

石塔底 胡橋家 胡塢口

方掌山 董家 水塢坑

棉花地 李家 神仙塘

十都外圖

高壩頭 鄭裏源 橫塘山

下湖村 胡村源 長崗壩

呂家 汪家基 下崗吳

西華區

壽昌縣志

卷一

疆域志
鎮市

四十四

金華大同印務局代印

十二都一圖

密山殿下 游家 富杭 裏塘源

夏家 揭家 周村 後村坂

下邵家 童家 童家 東山脚

嶺脚 澄源 澄源 過浴山

十二都二圖

新倉 後勘坪 趙家

洪家山 裏洪坑 楊柳塘

葉塢 赤木嶺頭 前黎塢口

附舊志坊鄉

坊

宣化坊

在縣前東偏

敷政坊

在縣前四偏(府志在縣南東偏)

政平坊

明德坊
俱在縣東

遵化坊

平安坊

存善坊

南洲坊

清泉坊

俱在縣西

仁和坊

在縣南

通元坊

在縣東北

仁壽坊

湖山坊

新亭坊

澄清坊

俱在縣西北

(增)

後街坊

在縣南見鄭或志

化龍坊

在縣北見府志

街

壽昌縣志

卷一

疆域志
鎮市

四十五

金華大同印務局代印

興仁街

在縣治東達東門

由義街

在縣治西達西門

南街

在縣治南達南門

新街

在縣治前照牆後

巷

劉家巷

在縣治東從學宮西下馬牌往南達政平坊

醋坊巷

在縣治西北自赤姑嶺達北門南達諸葛姓祠堂俗訛為四方巷

攀桂巷

在會通橋下舊學宮側

南橋巷

在會通橋上李姓祠堂側

(增)

苧麻巷

在縣北門

三樂巷

在縣北門

梅家巷

在縣北門

古桂花巷

在西湖沿(以上壽都一圖)

平安巷

在縣中街

桂花巷

在縣中街

吉祥巷

在南門

新街巷

在縣政府前（以上坊都二圖）

后邵巷

在西門

石佛巷

在西門

白菓巷

在西門

龍潭巷

在西門（以上坊都三圖）

鄉

至孝鄉

府志作至壽鄉

在縣城及縣北舊轄里四求忠郭邑白艾

清化改轄都四在城坊都在鄉十二都十三都

仁豐鄉在縣東及南舊轄里五直義永昌支干歸業桔山

改轄都四一都二都三都仁四都

壽昌鄉在縣西北及西南舊轄里五鳴謙濟陽康寧義昌

永福改轄都四壽四都五都十都十一都

壽昌縣志

卷一

疆域志 鎮市

四十六

金華大同印務局代印

永平鄉在縣西舊轄里八依仁興賢文昌清泉富文

府志作富

艾 鵬搏百勝思齊改轄都四六都七都八都九都

莊

雍正六年奉憲檄編行順莊改都圖為鄉莊在城曰東門

桑園學前新街南隅後街西隅彭山尚義等莊東鄉曰

厚堂湖岑新市燕山過塘石嶺石泉駱村山後姚村新

街淤塌七里廟桂村坂等莊西鄉曰灘下石板破墘大

山航頭曲斗吳潭久山大同下宅韓家張村溪口盤山

祝家富塘禹田勞村覺寧交溪長林後童山坑管村南

山翁南山洪商家赤源胡村等莊南鄉曰溪南童源南

浦烏石排塘大塢吳山陳店常樂蔴車下金白下等莊
北鄉曰小山棗園周村頂墩上倉楊柳過浴陳源等莊
共編四百八十五莊

古蹟

新昌縣故址 (萬歷嚴州府志)在縣西六都永平鄉花園平三國時吳分
富春立新昌縣治於此晉平吳改爲壽昌今其地曰故城坂
又名邑村坂唐神龍
元年徙於郭邑里

(按)吳立新昌縣晉改爲壽昌檢三國志
及晉書帝紀皆無此文未知府志何據

壽昌縣故址 (萬歷嚴州府志)在白艾里從郭邑里徙於此即今桂村坂
也東臨小溪有七里橋城隍廟蛟日寺及鼓樓城壕遺跡尚
存(按)公署門云縣治三
遷據上兩條則四遷也

礪巖寨 在縣南三十
里赤姑山

壽昌縣志

卷一

疆域志
古跡

四十七

金華大同印務局代印

長嶺寨 在縣東南二十
五里桃平山

西塢寨 在縣西南四
十里梅嶺

杜田巡檢司 在縣西四十
里大源口

上梅巡檢司 在縣西南四十里梅嶺(明史)
壽昌有杜田上梅兩巡檢司

(按)舊志云以上寨司明初嚴郡首歸附而金
衢二州尚梗乃設此及二州已附不復設矣

馬驛 在縣治南(鄭彧志)今後街坊方氏所居地曰馬坊頭其上
曰馬驛又西門內有馬舖廟城外曰馬舖灘蓋古驛地也

白艾驛 在縣東南(鄭彧志)宋之驛道從縣東門出過朝京橋至白艾驛
度山門嶺由山後而出(按)山後地名俗稱鵝嘴山後後亦作厚

更鎮三埠 上街葉家埠中街大
公埠下街吳家埠

演武場 在西
門外

青山書院 在縣西南十里青山之陰
唐聘君翁洮建遺址猶存

岑山書院

在縣東二十里岑山之谷宋國子監丞鄭彥建

默山書院

在縣西南二里默山上宋校書郎胡楚材建

蓮谷書院

在縣東北里許明國子監助教洪霖別業有松巢一鑑池清遠亭白雲窩諸勝嘉靖中知縣李思悅扁為蓮谷先生書院

思遜堂

在縣廡內枕山為之

太清堂

在縣南仁都一大清巖坪俗呼風車斗灣明處士李景顏建餘干甘復有記見藝文堂今圯按景顏李村人

深柳讀書堂

在縣西七都清潭學園塘側清嘉慶間建計屋五間環植以柳極幽敞村人讀書其中又號學園書舍今圯

燕喜樓

在縣治南

鼓樓

在縣西六都一勞村東門外久圯今人猶名其地為鼓樓底

唐刺史李頻宅

在縣西永平鄉(今永平區)八都

唐聘君翁洮宅

在縣西南航川青山下

壽昌縣志

卷一

疆域志古跡

四十八

金華大同印務局代印

宋封遂安縣公葉三省宅

在縣西永平鄉(今大同區六都)

宋吏部侍郎胡嘉言

府志作(邵嘉言宅)在縣西永平鄉(今大同區)七都

宋贈太尉童淑宅

在縣南仁豐鄉(今城區)童源

宋秘書郎胡楚材宅

在縣西南默山宋秘書郎胡楚材以剛直忤權貴歸隱此築室其上故址尚存(見府志)

宋孝子周大雅宅

在艾溪南大雅廬墓三年有羣鳥馴其旁趙清獻抃請於朝錫以束帛改其鄉曰至孝里曰求忠(見府志)

宋新安郡侯葉義問宅

在縣西四靈山(見府志)

明參議徐莊宅

在縣南仁豐鄉(今常樂區)烏石源

南昌勝景亭

在思遜堂側宋景定間知縣黎舉德建亭南植木為表榜曰屏山第一峯

涵碧亭

在勝景亭南黎舉德建其亭似舫因名涵碧

極目亭

在縣治內

仰楓亭

在萬松山明嘉靖間知縣程謨建

雙桂亭

在縣廡內康熙十一年知縣羅在位建

申明亭

在縣治頭門外西首明崇禎間建內暨邑侯阮公執中建築城工德政碑

旌善亭

在縣治頭門外東首內暨邑侯董公章含申革造船擴額協濟碑

龍首亭

在東門外青龍山黎舉德與邑人徐南一建

去思亭

在東門外元至正間邑人徐友玉等爲主簿海魯丁建

田園白樂亭

在縣西五里明天順間邑人洪景德建商文毅公有記

晚社亭

在縣西五里明嘉靖間邑人洪棠建

聖水亭

在東嶽行祠元至元間知縣尹子玉建

小蘭亭

在九曲洞濬溝作九曲以泛觴題詠甚多

壽昌縣志

卷一

疆域志古跡

四十九

金華大同印務局代印

利涉亭

在縣東淤塌明嘉靖間知縣彭汝成建

名宦祠

即劉家宗祠在縣西六都一勞村宋紹興間建初爲勞氏所有繼歸於童復併於劉清嘉慶六年奉部飭查宋太子少保劉忠簡公祠墓

崇祀名宦並旌其祠

花廳

在縣西六都一勞村三國時孫吳設縣治於此故名今圯遺址尙存

文昌閣

一在縣西六都一勞村祈雨廟後明宏治己酉年建清洪楊之役遭回祿遺址猶存一在縣治西門會通橋畔與靈臺毗連清咸豐間被

燬光緒二十二年邑人蔣豫階倡捐重建前臨西湖克壯觀瞻一在航川區東里許洪楊後化成坵墟至今尙未恢復

文星閣

在縣西六都二溪口情義亭下今圯遺址尙存

文星壇

在北門太祖嶺背清道光八年重建洪楊亂時被燬遺址尙存

天一居

在山川壇後邑庠生方灼別業門臨流水有樓閣橋池之勝乾隆十二年盡付波臣老梅十餘樹皆拔根而去惟古桂一株存焉

阮侯德政城坊碑

在申明亭內

額徵丁產碑

在縣治舊儀門東側係明萬歷時建

讞碑

在縣治頭門西側乾隆時邑令程建

東嶽行宮捨田碑

在東嶽廟內元至正六年立上有記篆刻甚精

金姑塔

在城東金姑山計七層清光緒辛丑年四月二十五日被狂雨打倒今存遺址

九曲洞

在清遠亭下穴岸爲洞墁以磚石濬溝九曲以泛觴題曰小蘭亭名人作詩盈冊

石鍾洞

在縣西六十里石顧

女蝠洞

一名皮洞在縣西五十五里長林口清初本村舉人邵朝品讀書其中

涼蛇洞

在縣西六十里石顧內有石形如鼓叩之有聲

仙姑洞

在縣西北十都內圖離寺礪市十五里許傳聞昔有何姓女在家紡織有一白鼠將其蔴結啣負而走其女追至洞中遂不復出寄夢於

家人云我由□成仙矣如不信我將發香臭氣各三天以示奇異後三日果然因名其洞曰仙姑洞內極清潔有石龍盤旋於地口鼻皆全偏身石鱗與

壽昌縣志

卷一

疆域志
古跡

五十

金華大同印務局代印

龍無異鼻孔深奧非常遊人常以細木通之不言則進言則閉塞不通洞內白鼠窠蹟尚存遊人戲毀之轉背即成如舊更有仙人浴盆水門龍潭等境

歲早取其水以禱輒應洞門築有仙姑

亭下爲海龍寺寺現已圯僅存古址

風洞

在縣西北十都內圖靈棲洞上數百步盛夏之日風從口出寒不可禦洞口狹隘纔通人步石級而下內極高大其中深暗異常遊人常挾火

炬而進內境天然

如畫不能盡舉

蛇蛟洞

在縣北上倉蛇蛟嶺對面洞口宏敞入夏生涼雖至炎烝毫無暑氣

神仙水洞

在縣北古樓亭上首其水瑩潔澄清味甘如醴雖至大旱未嘗枯涸來往行人多資解渴相傳爲神仙水

百步金階

在縣西四十里九都二葉村下首相傳昔時葉朱明出入之處遺蹟尚存

登高基

在縣西五十里長林口山勢孤聳每屆重九村人多效孟嘉之戲

彌陀山

在縣西五十五里大源盡處爲衢壽分界之所相傳彌陀佛遊覽於此故名

石門山

在縣西四十五里石郭源巖石壁立其形如門故名

屏峯 在縣西六十里石顧

東嶺水 在縣西六十里石顧水從嶺頭瀑流而下灌田約二百畝雖亢旱如常此亦山水之特奇者

龍鼻泉 在縣西五十里長林口有石竅二若龍鼻然時湧清泉雖旱不竭

文星塘 原名瓦壑塘在縣西七都清潭塘水常濁隱不見底若澈底澄清三年內必主村人有人得名村居求名者多於此塘水驗之至今無異

放生池 在縣東上自何家埠塌下下至源口灘上清光緒季年由地方人發起請縣出示保護民國十三年縣知事陳重申厲禁(附_{失名}詩)孔

聖曾言鈞不綱放生戒殺本天良百般性命均宜恤猶恐城門火及殃

金菓盒石 在縣南三都一烏石莊外塘內高大約有數丈作扁圓形中有橫紋界之宛如蓋底俗呼為金菓盒云是仙迹

碣石一 在縣西三十五里七都王家城山塌石大數圍相傳此石能隨水浮沉令遠觀之尚若浮於水面故村人有以形浮水面呼之者

金雞石 在縣西四十五里新橋道旁相傳明正德時此石中飛去金雞一隻故名

鼉石 在縣西十二里狀如鼉

壽昌縣志

卷一

疆域志 古跡

五十一

金華大同印務局代印

鼠石 在縣西六十里其狀似鼠

平巖石 在縣西北十八里特峙平疇中廣數百丈古木盤迴叢桂環植有登眺之勝

石門柱 在縣西四十里清潭嶺下平地突湧石筍矗立如柱大約數十圍高約百餘丈草木不生號曰石柱里人徐 有石柱擎天詩詩云天

柱高擎鎮石門先人建宅後成村彌陀曾倚為鈴杵留得聲名裕子孫

古樟 在縣學宮內身大數抱幹古中空其蔗枝旁生高出雲表

雙樟 在東嶽廟門首樹大數抱高可四丈並峙廟門相傳為元代古樟

筆架樟 在縣南三都二陳店莊樹大數圍高出雲表相傳為元時古木惟三樟同根儼如筆架高大相等世所稀見時人奇而名之或稱以桃園

三結 義云

香爐 一在縣城隍廟重約八百觔相傳明代遺物一在縣東嶽廟體積較小明成化時所鑄

鐵樹 在縣南仁都一雲霞寺後院高可五尺性堅硬鐵入漸化有果無花幹類棕樹葉似羅漢松其橫枝昂出儼如龍首迴翔相傳院中植此樹可

避回
祿

黃巢墩 在縣西相傳巢兵過此以槍挑土而成

水利

東湖 在縣治東

西湖 在縣治西會通橋跨其上廣袤二百四十步唐景福二年縣令戴筠濬此引其水從市溝東行以灌東郭之田餘繞山川壇入艾溪

石井 在縣西四十里水從石窟噴出溉田可百餘畝秋冬水涸視之深二丈餘下有玲瓏石竅深不可測土人云元至正間嘗噴出一朱漆器其底有洪周二一字竟不知從何而來

泉井 在縣南三十里廣袤一畝有泉湧出大旱不竭鄉民競以桔槔取之(舊志訛作百畝今從府志改正)

天井 在縣北十里泉出山麓冬夏不竭溉田數百畝

古井 在縣政府內井上石欄鐫有萬曆甲戌四字

壽昌縣志

卷一 疆域志 水利

金華大同印務局代印

福泉井 在城東孔廟左首壁間石板鐫有福泉二字

曹公井 在縣政府二門內民國九年知事曹文燮以修浚街市陰溝餘金敦請浙江水利委員會林技正用新法鑿成

馬公堤 在縣西門外由西門城脚至宋公橋官路是元縣尹馬勢榮(舊志作世榮)所築明嘉靖中李令增高廣之民又稱為李公堤

藥泉 在縣西藥山下

蒙泉 在縣北蓮谷山之麓出自九曲洞前其味甘美

戶部泉 在縣北里許宋元祐間知縣陳澤民鑿山得泉味甘冽後為戶部郎邑人思之以名其泉今常有汲飲者

仙池 在縣南仙池山巔池廣數畝其源混混不竭歲旱鄉民引水溉山下田百餘畝池有靈屋因名仙池或云昔有人聞管籥之音臨池觀之見數人衣冠甚古丰神飄逸擊舟奏樂俄頃而沒乃建祠池旁號仙池巖賢聖廟今池已涸為田由福昌寺僧主持(胡楚材仙池巖詩)峻嶒

插天山仙池在絕頂無源水自溢淵澄照天鏡魚依藻荇深龍藏窟穴靜天意欲為雨煙霧如爐甑至今山下田勢不憂旱橫劃然霽景開仰看飛

泉進一□翠微間長劍倚天淨羣山列畫屏高下相輝映安得丹青手寫此絕勝境掛我草堂中坐對免延頸不負山水心永謝名利奔

肅池 在縣北二里

大樓塘 在坊都三

石塔塘 在一都一后堂

湖岑坂大塘 在一都一湖岑莊

岑收塘 在一都一后堂

楓塢塘 在一都一

石械塘 在一都一后堂

金井塘 在一都一湖岑坂

剝塘 在一都一楓塢塘

大青塘 在一都二后邵坂

清水塘 在一都一長嶺半山

菱塘 在一都一石泉源

裏楊塘 在一都二新街壠

大栢塘 在一都二下朱

新塘 在一都二小松簧村口民國十七年修復

上塘 在一都二張家

海塘 在一都二海塘村

塘塢塘 在一都二淤塌

富湖塘 在一都二七里崗

壽昌縣志

卷一 疆域志 水利

五十三

金華大同印務局代印

庵塘 在一都二章家基

大塘 在一都二上坑源

排塘 在一都二排塘村

大塘 在一都二大塘裏

月嶺塘 在一都二裏葉因山谷口累石而成春則障以蓄水夏則開以灌田注田約有六七百畝

祠堂塘 在一都二陳店

栢樹塘 在一都一李村莊

牛鹿塘 在一都一蔴車崗

椿杵塘 在一都一李村莊

清泉塘 在一都二因清泉殿得名塘有神魚往往窺見

大塘 在一都二寨崗莊

鄭塘 在一都二壺門邵

鄭山塘 在一都二壺門邵龍山之巔四面環境天然生就清咸同間山洪衝倒迄未修復

蓮塘 在一都二壺門邵

排塘 在一都二梅嶺關

新塘 在一都三梅塘塢

蘆塘 在一都三

瓦塘 在五都一
大店口

武塘 在五都一
武口村

下塘 在五都一
武口村

西塘 在五都一
周家蓬

洪塘 在五都一考坑源天然山
塢築塹成塘現已汙塞

大塘 在五都一
曲斗橋

翁老塘 在五都一
大店口

方後塘 在五都一
曲斗莊

下京塘 在五都一
曲斗莊

上古塘 在五都二

裏山塘 在六都一
勞村北

方卜塘 在六都一
勞村南

九公塘 在六都一
勞村

外山塘 在六都一
勞村北

大塢塘 在六都一
勞村

項大塘 在七都
盤山莊

衆塘 在七都
盤山莊

楊收塘 在七都
盤山莊

新塘 在七都
盤山莊

壽昌縣志

卷二

疆域志
水利

五十四

金華大同印務局代印

周伯二塘 在七都
盤山莊

橫路塘 在七都
盤山莊

大塢塘 在七都
盤山莊

項婆塘 在七都
松坑溪

蓮塘 在七都
松坑溪

衆埭塘 在七都
松坑溪

車路塘 在七都
祝家洲

中塘 在七都
祝家洲

竹絲塘 在七都
松坑溪

文星塘 原名瓦窰塘在
七都清潭莊

金釵塘 在七都
清潭莊

里塢塘 在七都
清潭莊

徐十五塘 在七都
清潭莊

石珠塘 在七都
清潭莊

上下鐵券塘 在七都
清潭莊

學園塘 在七都
清潭莊

池塘 在七都
清潭莊

西塢塘 在七都
清潭莊

翁邑塘 在七都
清潭莊

兩頭塘 在七都
荷塢裏

荷塘 在七都富塘街

烏龜塘 在七都

壓釵塘 在七都盤山巖下

百子塘 在七都盤山巖下

塘塢塘 在七都牙坑源

黃塢塘 在七都富塘街

柳塢塘 在七都松源裏

牛欄塘 在七都祝家

後壠塘 在七都清潭莊

瓦窰塘 在七都富塘街

灌蔭塘 在七都祝家莊

石山塘 在七都祝家莊

南塘 在八都一石顧

古連塘 在八都一下馬橋古時連有三塘今淤塞成田僅存其一

三益塘 在八都一下榮村

高塘 在八都一下榮村

平塘 在八都一平塘村前

褲襠塘 在八都一莫家村後

壽昌縣志

卷一 疆域志 水利

五十五

金華大同印務局代印

四隅塘 在八都一長林口

長塘 在八都一下榮村

徘徊塘 在八都一莫家村後

一八塘 在八都一下馬橋

兩頭塘 在八都一長林口

後塢塘 在八都二管村橋

西塢塘 在九都二李家

西塘 在九都二西塘榛

後塢塘 在九都二覺甯

尋芳塘 在九都二下尋芳

高園塘 在九都二李家祠前

覺甯湖 在九都二覺甯

大塘 在九都二覺甯

月塘 在十都內圖商家門前

鶴塘 即學塘在十都內圖商家壠

濕塘 即夏塢塘在十都內圖棉花地

舍塢塘 在十都外圖胡村莊

石塘 在十都外圖胡村莊六都界

前塘 在十都外圖胡村莊

西塘 在十都外圖胡村莊

富塘

在十都外
圖孟家坂

梅塢塘

在十都外
圖村莊六都界

裏新塘

在十都外
清道光庚子建設
圖橫塢裏

黃枝塘

在十都外
圖胡村莊

蜈蚣塘

在十都外
圖胡村莊

東塘

在十都外
圖胡村莊

鄭家塘

在十都外
圖

海棠塘

在十都外
民國十三年重修
圖下牆圍

上官塘

在十都外
圍道光庚子年建
圖下牆

毛塢塘

在十都外
圖田坂村

吳塢塘

在十都外
圖田坂村

簑衣塘

在十都外
圖白嶺

大塘

在十都外
圖田坂村

黃塢塘

在十都外
圖白嶺

月塘

在十一都二

董塘

在十一都二

橫塘

在十一都二

壽昌縣志

卷一

疆域志
水利

五十六

金華大同印務局代印

湖塘

在十一都二

鄭塘

在十一都二

羊角塘

在十一都二

楓木塘

在十一都二

瑞塘

在十一都二

荷花塘

在十二都一後墘坪

築塘

在十二都一
源冬青嶺脚

蛇塘

在十二都一上倉

楊柳塘

在十二都一

蒲草塘

在十二都一後墘坪

坂塘

在十二都一
嶺下明崇禎二年建築

新塘

在十二都一上倉

烏坂塘

在十二都一過浴山

石郭塘

在十二都二
天山源

苦楮塘

在十二都二馬前山

大塘

在十二都二
裏塘源

西塘

在十二都二
村坂西塢口

淤塌壩

在二都二
河村清乾隆十二年洪水
冲斷邑令王兆曾詳請帑金修築

滄浪壩 在五都二

樟樹壩 在五都二

新壩 在五都二

烏塌壩 在六都一角涼亭邊

下洲壩 在六都一上黃家

新壩 在六都一邑村

小塌壩 在六都一邑村

羅桐壩 在六都一黃泥塌煤洞邊

紫荊壩 在六都一下湖

扛塌壩 在六都一邑村

小黃壩 在六都一角涼亭邊

蜈蚣壩 在六都一徐坂

后岸壩 在六都一烏金廟

大黃壩 在六都一

長塌壩 在六都一邑村

浪壩 在七都松港溪

石潭壩 在七都王家莊

久畝壩 在七都清潭上坂

新壩 在八都一下馬橋(按)是壩不用石砌逢早臨時將松木等料紮成後三日必雨應驗猶昔

壽昌縣志

卷一 疆域志 水利

五十七

金華大同印務局代印

金竹壩 在八都一高崑

芙蓉壩 在八都一上榮村

東湖壩 在八都一管村橋

石壩 在八都一下馬橋

社壇壩 在八都一翁家

反撐壩 在八都一禹甸

蛇壩 在九都二上前山

諸葛壩 在九都二下前山

和尚壩 在九都二下前山

紫金壩 在十都外圖下吳清道光壬寅重建

橋林壩 在十都外圖田坂裏民國十五年重修

松金壩 在十都外圖後山村

麥果壩 在十都外圖白水嶺

翁家壩 在十都外圖東村

新橋壩 在十都外圖東村

高壩 在十都外圖高壩頭

尖刀壩 在十都外圖前山莊

雞公壩 在十都外
圖下吳

何尙壩 在十都外
圖田坂村

高墻壩 在十都外
圖高墻橋

蔡郎壩 在十一都
都二

松茂壩 在十一都
都二

大山壩 在十一都
都二

童溪壩 在十一都
都二

密山壩 在十二都
二密山口

青山壩 在十二都
二青山脚

苦珠壩 在三都
一石橋頭

梓壩 在城北新亭坂(按)是壩係清康熙年間城西蔣起翰因沿溪沙地墾作農田無水灌溉特築此壩至今蔭注三百餘畝

成坑壩 在三都
一石橋頭

樟樹壩 在五都
一八鼓橋下

湯珠壩 在五都
一排山橋下

吳聚壩 在五都
一曲斗莊

白氏壩 在五都
一大店口

石塔壩 在五都
一考坑源

龍堂壩 在五都
一曲斗莊

蔴車壩 在五都
一大店口

壽昌縣志

卷二 疆域志 水利

五十八

金華大同印務局代印

前壩 在五都
一考坑源

後壩 在五都
一考坑源

官壩 在五都
一八鼓橋下

新壩 在五都
一都二

上莊坂壩 在六都
一勞村後溪

沙坂壩 在六都
一勞村後溪

小廟壩 在六都
一勞村覺溪

南壩 在六都
一勞村覺溪

后坂壩 在六都
一勞村覺溪

湖壩 在六都
一勞村後溪

上下猪槽壩 在六都
一勞村覺溪

大塢壩 在六都
一任六都一勞村覺溪

經堂壩 在六都
一勞村覺溪

糊壩 在六都
都一

後坂壩 在六都
都一

小壩 在六都
都一

上坂壩 在六都
都一

百壩 在六都
都一

黃壩 在六都
都一

岸壩 在六都
都一

童溪塢

在六都二溪口上翁

砲塢

在六都二溪口青山廟下

新塢

在六都二馮家前月溪

紫潭塢

在六都二溪口後潭

黃泥塢

在六都二溪口

桐梓塢

在六都二漳村月潭川溪

夜塢

在六都二瀟村前深潭

溪礮水碓塢

在六都二上湖新壩

新塢

在韓家對面

野塢

在郎家村前

奇塢

在六都二瀟村前長潭今廢

大同塢

在六都二大同溪

桐梓塢

在徐家上首

官塢

在七都清潭莊

中反塢

今名邵家塢在七都清潭莊

項塢

在七都盤山莊

管事塢

在七都石門莊

烏石塢

在七都

沙坂塢

在七都蔣家莊

麻裏塢

在七都富塘街

壽昌縣志

卷二

疆域志 水利

五十九

金華大同印務局代印

周塢

在八都一禹甸

白塢

在八都長林口

大塢

在九都二潘村

盧塢

在九都二馬尾

水碓塢

在九都二李家

下秧塢

在九都二李家店後

新塢

在九都二潘村

楊樹塢

在九都二李家

洞塢

在九都二傅村

新塢

在九都二潘村

新塢

在十一都二

湖塢

在十一都二

恭堰

在三都一童宅塢清乾隆三年建築

水碓堰

在三都一大塢莊清嘉慶十六年建設

小滿石堰

在三都一大塢莊清乾隆二十三年建設

三角橋堰

在三都一大塢莊清乾隆二十一年建造

新市潭

在縣東十五里

龍

潭

在縣西南一里相傳常有龍見每歲旱取水禱雨於此

河村潭

在縣東五里

吳

潭

在縣西十里

附記

縣東二都二淤塌大塍上下兩段各約百餘丈爲淤塌鎮村落之保障自淤塌張家至竹溪亭止一帶田疇約二千餘畝又下新屋何家下徐諸村落並民田四百餘畝皆賴此塍護衛清光緒四年上下塍均被洪水冲塌損失田廬無算旋由該鎮紳耆環叩知縣劉詳報藩撫各憲准給國幣修築現上段大塍尙屬鞏固下塍於民國十三年又被洪水冲壞工程浩大修築匪易現擬仍請縣政府呈報中

壽昌縣志

卷一

疆域志
城池

六十

金華大同印務局代印

中央政府援案辦理

城池

縣城北倚松山從松山之麓折而東而南前臨艾溪折而西逕彭頭山而合於北焉有四門東曰興仁舊令彭汝成建西曰宣泰舊令吳萸建南曰嚮明北曰拱極亦彭令建向係土垣明崇禎十二年舊令阮振中易以石門皆建樓清康熙十年知縣羅在位重修今雉蝶皆圯厥址尙存惟僅留東西石砌圈門二座民國九年清明植樹節知事曹文燮督同僚屬及各機關環繞城基栽以黃金樹惜生長甚尠否則滿目黃金將飄舞於桂邨城矣